

Bájkkeavijssa NuorttaSálto

Dán goaden...

Tæksta: Kitty Skapalen
Járggálibme: Divte Media AS / Idar Kintel

■ - Dánna sáme vuojñanav dábáv, dánna le munji rájnna ilmme, danna lev friddja, Inga Karlsen moalgedij, gá Árrana plánidum bargo birra subtsastij.



Dálusjájgge ja boahhteájgge. Inga Karlsen lij plánakomitean ja lij ájnas gá lidjin ásadimen julevsáme guovdátjav. Uddni le mánágárdedoajmma ájnas oase guovdátja dájmas. - Guldalit álmugav gá galggabihtit ávddánahttet guovdátjav, javlav Karlsen. **Fortid og fremtid.** Inga Karlsen satt i plankomiteen og var med på å trekke i de rette trådene for å få etablert et eget lulesamisk senter. I dag er barnehagedriften en av grunnpilarene i driften av senteret. – Lytt til grasrota og ta det med videre i utviklingen av sentret, sa Karlsen. Gávva/Foto: Kitty Skapalen

Bierjedagá guovdásj mujttádahtij 20-biejjev dallutjís gá Drádnik Sonja Árrana vuodogiergev biejaj bárggemánon 17. Biejve jagen 1992. Inga Karlsen ja Sverre Norås lijga sierra guosse dán iehpeformálalaj mujttádahttemij. Goappátja subtsastijga plánabarggos ja hiebadimes mij gulluji vuodogierge biedjamij. - Sávjama ietjama goadev. Gá guovdásaj oajve vuosedin Kárásjjágá kulturgoahtáj de viertijma kártav gávnna, májádij Karlsen, gut dalloj lij ájggomkomitean aktan Ivar Jacobsijn ja Terje Ellingsenijn.

Ságasti

Bájkálasjhistávrrádiehte Sverre Norås subtsas davvevuorkká le ájnas árvvo guovdátjin. - Arkitektaj Knut Eldbyaj subtsastiv galgaj dássju gábmagijda tjáñat ja álggon mannat ájádusájt tjoaggemin ja dassta goadev sárggot. Gák mán diedáv de li tjabu vindegijn dán tsiekkadusán guddnebálkáv oadtjum. Árran le dagu lájddistiddje gá nuores boadá, ja le tsieggiduvvam tjáppa sadjáj, Norása mielas, ja subtsasti guovdásj ij la dássju

miehtebiekkán læhkám.

- Dát la riek buorre goahte, dánna ságastallap ja tjáñkanip. Dánna le sáme histávrrá ja subtsasa bisoduvvam, ma soajttá lidjin gáhtot jus ij lim guovdásj sjaddam, subtsastij sán ja dajna vuorbev sávaj boahhte 100 jagij.

Oajvvadusá álmugis

Guovdásj mujttádahtij vuodogiergebiedjamav slávvgá giessemijn bieredak ideda ja maññela lij æjvvalibme káfajn barggijda ja frukta ja jieñña mánágárdemánájda mánájda, aktan ietjá berustiddij. Divtasvuona suohkanoajvve, Tor Asgeir Johansen lij suohkana bielel rádjám giedjekvarrudagáv ja vuorbbeávdusájt. Direktorra Lars Andreassen vuorbev sávaj.

- Julevsáme rahpasij værárdij ja værált julevsámijda, májádij Andreassen. Uddni le birrusin 12-15 máná sámegeiella mánágárden mij guovdásj dájmat ja barggosaje li lassánam maññemus 20 jage. - Álgon lidjin dássju 7-8 barggosaje, dalla le sulle 40 barggosaje. Dát le ienep gá álgos ájgojma ja le ávos lassánibme.

Valla 20 jagágin lip vilá nuora. Lip álov tjadádám, valla vilá le állo majt ep la tjadádám. Miján li ádá ájggomusá ja ádástuhtep aj vuorrasap ájggomusájt. Ep la rat mierredam jur majna Árran galggá barggat, valla miján le lissta dahkamusáj majt ájggop vuorodit. Majt sihtabihtit Árran galggá liehket boahhteájgen, gæhtjåt direktorra. Vájku sáme sebrudagán “agev” lij læhkám tjáñkanime, sihke læstadianisman ja fuolkken, de lij muhtem láhkáj aj gáhttjom ulmuttijda sáme birrasa álggolin, bessat vuojñnet ja oahppat julevsáme birrasav mijá guovlon, gá mierredin dahkat julevsáme guovdátjav. Dállásajev tsieggit - Árranav. Navti le dádttja oahppam julevsámij birra ja aj rádnastallam julevsámij. - Drádnik Sonja subtsastij dalloj 20 jage dás ávddála gáktu miján gájkajn le dárbbu diehttet ietjama identitehta birra. Árran tjalmostahttá sáme iellemav ja kultuvrav, ja dajna galggá aj joarkket boahhte 20 jage, subtsas Lars Magne Andreassen.



Drádnik Sonja biedjá symbávlálasj gavnijt vuodogierge guoraj. Anders Nystø viehkkén. **Dronning Sonja** legger ned de symbolske gjenstandene ved grunnstenen, assistert av Anders Nystø. Gávva/Foto: Kjell Arne Bredesen